

INDEX SCHOLARVM

IN

VNIVERSITATE LITTERARIA
GRYPHISWALDENSI

PER SEMESTRE HIBERNVM

ANNI MDCCCLXXV—LXXVI

A DIE XV MENSIS OCTOBRIS

HABENDARVM.

I N E S T

EDVARDI HILLERI DE ARISTOPHANIS AVIVM LOCIS QVIBVSDAM COMMENTATIO.

GRYPHISWALDIAE

TYPIS FRID. GVIL. KVNKE.

MDCCCLXXV.

9881
A76.Vri

VNIVERSITATIS LITTERARIAE GRYPHISWALDENSIS

RECTOR

FRANCISCVS SVSEMIHL

CVM

CONCILIO ACADEMICO

S. D.

CIVIBVS ACADEMICIS.

I.

In Avium fabulae initio Aristophanes duos senes Athenienses producit, qui de domicilio in alium locum transferendo epopis consilium exquirunt. Huic igitur exponunt, qualem potissimum urbem incolere cupiant. Et unus quidem postquam desiderium suum declaravit, alter ab epope quid ipse sentiat interrogatus respondet, hanc fere beatissimae urbis imaginem animo suo obversari (vs. 137 sqq.):

ὅπου ξυναντῶν μοι ταδί τις μέμψεται
ὥσπερ ἀδικηθεὶς παιδὸς ὠραίου πατήρ·
καλῶς γέ μου τὸν υἱὸν ὃ Στίλβωνίδη
εὐρῶν ἀπιδόντ' ἀπὸ γυμνασίου λελουμένον 140
οὐκ ἔκυσας, οὐ προσεῖπας, οὐ προσηγάρου,
οὐκ ὥρχιπέδισας, ὣν ἐμοὶ πατρικὸς φίλος.

In his verbis qua significatione positum esset Stilbonidis nomen, quo pueri pater amicum paternum alloquitur, scimus quaesitum esse iam antiquis temporibus. In scholiis enim veterum grammaticorum hasce explicationes servatas habemus: ὃ Στίλβωνίδη: (1) ὃ λαμπρὸ καὶ ἀπὸ βαλανείων κεκαλλωπισμένε. (2) ἡ ἀπλῶς ὄνομα κύριόν τινος λέγει. (3) ἡ Στίλβωνος παῖ. διασύρει δὲ τοῦτον ὡς παῖδα ἔχοντα, ubi emendandum διασύρει δὲ τοῦτον (Stilbonidem) ὡς παίδων ἐρῶντα: nam quod nunc legitur, Stilbonem vel Stilbonidem ab Aristophane exagitari quia filium habeat, idoneo sensu caret.

Erant igitur, qui *στιλβωνίδης* formam patronymicam esse arbitrantur adiectivi notione usurpatam.¹⁾ Quod si verum esset, nitorem splendoremque vocabulum significaret. At qua ratione id huic loco conveniat, non liquet: neque enim ulla est causa, cur in tali oratione amicus de corporis habitu loquatur. Quod autem vetus interpres addit nitidam corporis speciem quam lavando senex sibi paraverit ab altero commemorari, temere id fictum est propter verba illa de puero prolata *ἀπὸντ' ἀπὸ γυμνασίου λελουμένον*. Longe tamen praestat grammatici illius inventum iis, quae Sūvernus in notissimo libello de Avium fabula composito singulari quo uti solet acumine de hoc loco disseruit.²⁾ Aliorum commenta, quibus nitorem senis explicare studuerunt, silentio praeterire satius esse videtur.

Itaque videndum, num vel alteri vel tertiae scholiastarum interpretationi assentiri liceat: notari ab Aristophane certum quendam hominem sive Stilbonidis nomen habentem sive Stilbone natum, sed diversum ab ea quae in scaena loquatur persona; quod autem senex flagitiosae libidini deditus ab amico se ita appellari fingat, eo irrideri a poeta Stilbonidis illius impuros amores. Verum ne hoc quidem ullam habet probabilitatis speciem, quia tale loquendi genus permirum esset ac prorsus inauditum. Quamvis enim saepe duos quos novimus homines hac vel illa re inter se similes esse dicamus, nemo tamen propter eam similitudinem unum nudo nomine alterius alloquitur; neque in sermonis Attici reliquiis tale quid usquam occurrere arbitror. Sic tantum probari fortasse posset illa opinio, si Stilbonidem omnibus notissimum fuisse censeremus, ut Aristophanes nomine eius tanquam appellativo uti posset. At hoc si statueremus, illud quam maxime esset mirandum, grammaticos Alexandrinos de homine propter hanc potissimum rem infami aliud testimonium ex poetarum comicorum fabulis adferre non potuisse.

Potest autem haec difficultas simplicissima ratione absolvi. Aristophanes enim eo quod seni Stilbonidis nomen datur nihil aliud significare vult nisi verum illud fuisse senis nomen; neque aliter audita hac appellatione spectatores rem intellegere potuerunt. Nullum in ea inest reconditum iocandi genus. Scimus nomina Graeca fuisse *Στιλβίδης* *Στίλπας* *Στίλπων* *Στίλβων*: itaque *Ἰστιλβωνίδης* nihil singulare insolitumve habere apertum est; cf. *Μνήσων* *Μνησωνίδης*, *Μύρων* *Μυρωνίδης*, *Σπέρσων* *Σπυρσωνίδης*, *Χαίρων* *Χαιρωνίδης*, *Ἄνδρων* *Ἀνδρωνίδης*, permulta eiusdem generis alia. Stilbonidis igitur nomen haud magis ob certas artis comicae rationes positum est quam nomina quae sunt *Δερχέτης* (Ach. 1028), *Ἀγκυλίων* (Vesp. 1397), *Δράκης* (Lys. 254. Eccl. 293), *Βλέπυρος* (Eccl. 327). Haec quoque nomina, quorum numerum facile augeri posse apparet, quamvis bene ex Graecae linguae analogia possint explicari, tamen non inter usitatissima fuisse videntur.

1) Copiose de talibus vocabulis Lobeckius ad Soph. Ai. v. 880 disputavit. Cf. praeterea Alcaei fragm. 150 Bergk. Welcker der ep. Cyclus II p. 321.

2) Ueber Arist. Vögel p. 50: „Wenn man aber die in die Maske des Peisthetairos gehüllten Personen durch dieselbe durchblicken sieht, so versteht man alsbald, dass es ein gemachter Name ist, den der Scholiast ganz richtig durch *ὁ λαμπρὸς* erklärt, und mit welchem der Komiker den durch seine Beredsamkeit in ganz Griechenland, und in Athen, ihrem Mittelpunkte, insonderheit, durch seine *λαμπάδες* genannten Prunkvorträge mit dem grössten Glanz umgeben Sophisten nicht minder als den äussern Glanz liebenden Demagogen zu erkennen geben wollte.“

Sed dicet aliquis: quid ergo? Stilbonidis nomen tu eitribuendum putas, quem Pithe-
taerus vocari Aristophanes voluit? Audio. Nos sane nomine quod est Pithetaerus iam inde ab
initio comoediae utimur. Id autem ex consilio poetae esse nego; nam spectatores nomen illud
aliquanto demum post audiverunt: vs. 645 senex ab epope de suo sodalisque nomine rogatus
hoc responsum dat:

ἐμοὶ μὲν ὄνομα Πειθέταιρος, τῷδε δὲ
Εὐελπίδης Κριῶθεν.

Eo scilicet quo haec profert comicae actionis momento et alteri homini Atheniensi (optima
nimirum spe impleto) et epopi choroque avium iam sibi amicissimo persuasit avium imperium
suis ipsius auspiciis esse redintegrandum. At in prologo comoediae hominem loquentem
audimus iocosum ac facetum, neque tamen diversum ab aliis Atheniensibus sescentis (nisi quod
ex veteris comoediae indole extra naturae veritatisque normam ac rationem dictis factisque
libere evagari ei licet). Itaque quod in hac parte ei semel tribuitur nomen, nullam habet animi
factorumve hominis significationem: postea vero idem ubi ingentis facinoris auctor factus est
propter tantam qua excelluit persuadendi vim atque artem novum sibi fingit nomen. Quod ta-
lium nominum formatione secutus sit consilium, nusquam clarius Aristophanes significat quam in
Equitum fabula, ubi vs. 1257 isiciarius nomen quod moribus congruit his verbis indicat:

(Δ. ἐμοὶ δὲ γ' ὅ τι σοι τοῦτομί εἶπ'.) Α. Ἀγοράκριτος.
ἐν τὰγορᾷ γὰρ κρινόμενος ἐβοσκόμην.

II.

Insigni auctoritate ac potentia vetustis temporibus gallum apud homines valuisse, Pithe-
taerus hac argumentatione comprobat (vs. 488 sqq.):

οὕτω δ' ἴσχυέ τε καὶ μέγας ἦν τότε καὶ πολὺς, ὥστ' ἔτι καὶ νῦν
ἀπὸ τῆς θύμης τῆς τότε ἐκείνης, ὁπόταν νόμον ὀρεῖσθαι ἄσπῃ,
ἀναπηδῶσιν πάντες ἐπ' ἔργον, χαλκῆς κεραμῆς σκυλοδέψαι
σκυτῆς βαλανῆς ἀλφισταμοιβοὶ τορνευτολυρασπιδοπηγοί.

Concluditur haec disputatio, si codicibus fides habenda est, verbis (vs. 492)

οἱ δὲ βαδίζουσ' ὑποδησάμενοι νύκτωρ.

Tum Euelpides:

ἐμὲ τοῦτό γ' ἐρώτα.¹⁾

χλαῖναν γὰρ ἀπώλεσ' ὁ μοχθηρὸς Φρυγίων ἐρίων διὰ τοῦτον.

narratque iis quae sequuntur, quo modo ipse nocturno tempore galli cantu excitatus veste spo-
liatus sit.

In versu 492 verba οἱ δὲ βαδίζουσ' ὑποδησάμενοι apto sensu carere Theodorus Kock tam
acute ac luculenter demonstravit (exercit. crit. p. 11), ut de hac re nemo iam possit dubitare.
Minus tamen emendatio loci ei cessisse mihi videtur. Suadet enim ut scribamus οἱ δὲ βαδίζουσ'
ἀποδύσοντες νύκτωρ, addita hac explicatione: „Tantum olim, inquit Pithetaerus, galli valuerunt

1) ἐμὲ τοῦτ' ἐρώτα codex Rav. Fort. ἐμὲ τοῦτ' ἐπερώτα

ut etiam hodie ad vocem eorum homines somnum excutiant et opifices quidem ad opus faciendum, grassatores vero ad homines spoliandos surgant. Noctu eos id facere addidit, non quo interesse aliquid inter nocturna et diurna negotia indicaret, sed ut vel invitos omnes ad galli cantum etiam multa de nocte expergisci doceret; cf. Horat. Epist. 1, 2, 32 *ut iugulent homines, surgunt de nocte latrones*. Praeterea autem hac ipsa noctis commemoratione facillimus ad Euelpidis fabellam transitus paratur, quippe qui ipse quoque intempesta nocte galli voce excitatus vestem perdiderit.“

Quod cur incredibile mihi videatur, complures habeo causas. Primum enim si Pithetaerus asseveraret, latrones qui noctu (νύκτωρ) grassentur galli cantu eodem modo ad negotium exsequendum excitari quo opifices matutino tempore (όπόταν νόμιον όρϋριον άσση, cf. vs. 496 *καγώ νομίνας όρϋρον*) surgentes, id mihi quidem non iocose sed inepte atque insulse dictum esse videretur. Deinde quid sibi velint Euelpidis verba *έμε τοῦτό γ' έρώτα* nemo adhuc docuit. Pithetaero dicta ea esse non possunt. Itaque si vera est tradita scribendi ratio, chorus avium, qui inde a vs. 470 ne uno quidem verbo quidquam interrogavit, nunc interrogare iubetur id (*έμε τοῦτό γ' έρώτα*) quod Pithetaerus quomodo sese habeat iam pro certo affirmavit (*οί δέ βαδίζουσ' άποδύσονται νύκτωρ*). Nonne id plane perversum est? Kockius quidem pro *έμε τοῦτό γ' έρώτα* substituit verba „hoc ego expertus sum“: sed vellem accuratius exposuisset, qua ratione in tali potissimum colloquio in hanc notionem abire illa potuerint. Praeterea secundum Kockii explanationem temporis illa definitio *όπόταν νόμιον όρϋριον άσση* trahenda esset etiam ad *οί δέ βαδίζουσ' άποδύσονται νύκτωρ*: quae construendi ratio haudquaquam plana facilisque est ad intellegendum. Denique vero mutationem a Kockio propositam satis difficilem esse haud iniuria dixit Meinekios (vind. Aristoph. p. 92). Sed eo quod ipse coniecit excidisse aliquid inter vs. 491 et 492 de nocturnis grassatoribus dictum, non tollitur obscuritas quae inest in verbis *έμε τοῦτό γ' έρώτα*. Coniecturam multo ante a Reiskio propositam *οί τε βαδίζουσ' ύποδησάμενοι νύκτωρ* ad sanandum locum non multum conferre apertum est. Herbstii autem sententia *οί δέ* pro *οί δέ* revocari iubentis et post *νύκτωρ* reticentiae figuram statuientis Kockius, cui eius notitiam debemus, idoneis argumentis refutavit. Attamen in eo quod pronomen relativum reposuit, Herbstius quid verum esset perspexit. Locus enim ne una quidem littera mutata ita conformandus est:

II. οὔτω δ' ἔσχε τε καὶ μέγας ἦν κτλ.

σχυτῆς βαλανῆς ἀλφιταμοιβοὶ τορνετολυρασπιδοπηγοί.

X. οἱ δὲ βαδίζουσ' ύποδησάμενοι νύκτωρ; E. έμε τοῦτό γ' έρώτα.

Sententia autem haec est. „Tanta fuit olim“, inquit Pithetaerus, „galli potentia, ut etiam hodie sutores balneatores ceterique opifices omnes ad laborem diurnum cantu illius excitentur.“ Tum chorus hoc opponit: „(de illis quidem quod rettulisti verum est;) quid autem ii qui sumptis soleis h. e. relictis domibus¹⁾ noctu vagantur? (nam hos audito demum galli cantu *έπ' έργον άναπιδῶν* non affirmabis).“ Ea interrogatio quid sibi velit nos sane non statim intellegimus: optime vero intellexerunt ii qui magnis Dionysiis anni 414 in theatro Bacchico haec verba audiverunt. Tum enim necessario ea interrogatio uni cuique Atheniensium in mentem

1) Cf. Becker Charikles III. p. 215.

revocavit recordationem hominum illorum qui decem fere mensibus ante relictis domibus noctu vagati erant ut impiis manibus Hermas detruncarent. Quod facinus quantam perturbationem quantasque miseras civitati attulerit, quam acribus stimulis omnium animos exagitaverit, nemo nescit. Huius igitur atrocissimae rei Aristophanes mentionem inicit, sed leviter et in transitu, sicut Alcibiadis damnationem fatalem exsiliumque antea memoravit (vs. 146 sq.). Forma orationis ea est, ut ad verba οἱ δὲ κτλ. interrogatio generalis ut puta τί ποιοῦσι sit supplenda; cf. vs. 360

E. τί δὲ χύτρα νῶ γ' ὠφελήσεται; Π. γλαῦξ μὲν οὐ πρόσεισι νῶν.

E. τοῖς δὲ γαμψώνυξι τοισδί; Π. τὸν ὀβελίσκον ἀρπάσας
εἶτα κατὰπηξον πρὸ σαυτοῦ.

Post hanc igitur chori interrogationem Euelpides exclamat, non Pithetaerum, sed se potius de ea re esse consulendum¹⁾: in promptu enim se habere responsum, quo scrupulum a choro motum vanum esse firmissime possit demonstrare. Atque id facit tali nimirum argumentatione qualis veterem comoediam decet: nam ea quae sequitur narratione sane comprobatur, etiam eos οἱ βαδίζουσιν ὑποδησάμενοι νύκτωρ (in quorum numero Euelpides eo de quo loquitur tempore fuit) galli imperio obtemperare. Ita res tristissima in iocum et facetias convertitur; inest tamen etiam in his Euelpidis verbis aliquid, quo nonnulli fortasse e spectatoribus ad superioris anni memoriam excitati sunt. Erroris enim in quem Euelpides inductum se esse refert simillimus fuit is, in quem Diocles, improbus ille fictarum rerum index, se incidisse ementitus erat: cf. Andoc. de myst. 38 ἔφη γὰρ εἶναι μὲν ἀνδράποδόν οἱ ἐπὶ Λαυρίῳ, δεῖν δὲ κομίσασθαι ἀποφοράν. ἀναστὰς δὲ πρὸ ψευσθεὶς τῆς ὥρας βαδίζειν.

III.

Pithetaerus postquam poetam miserabili inopia laborantem tunica donavit et abire iussit (ἀπέλθε τουτονὶ λαβών), ille se obsecuturum esse respondet (ἀπέρχομαι). Qui sequitur versus (949) in optimis libris (dico autem Ravennatem, Venetum, Florentinum r) ita legitur:

κὰς τὴν πόλιν γ' ἐλθὼν ποιήσω ταδί

nisi quod γ' Florentinus omittit. (Pergit deinde poeta: κληῖσον ὧ̃ χρυσόθρονε τὰν τρομερὰν κρυερὰν· νιφοβόλα πεδία πολύπορά τ' ἵλυσον· ἀλαλαί.) Deteriores libri inter ποιήσω et ταδί inserunt δὴ: verum id nihil esse nisi veteris scripturae supplementum ab interpolatore profectum, iure Meinekii monuit, neque de hac re dubitare potest quicumque in tractandis Aristophanis fabulis paulo accuratiorem locavit operam. Ferri autem non posse illud δὴ vel eo efficitur, quod in Aristophanis comoediis ceterorumque comicorum Atticorum fragmentis nusquam nisi fallor inter καὶ et verbum finitum complura vocabula inseruntur, ubi statim post verbum finitum δὴ particula posita est. Accedit autem alia etiam maioris momenti difficultas. Quia enim locus quo proficisci poetae propositum est non indicatur, verba κὰς τὴν πόλιν γ' ἐλθὼν ποιήσω δὴ ταδί quivis sive

1) Cf. Ran. 1010 sqq.

A. ταῦτ' οὖν εἰ μὴ πεποίηκας,
ἀλλ' ἐλθὼν καὶ γενναίων μοχθηροτάτους ἀπέδειξας,
τί παθεῖν φήσεις ἄξιός εἶναι; A. τεθνάναι· μὴ τοῦτον ἐρωῶτα

auditor sive lector primum ita construet, ut εἰς τὴν πόλιν ad ἐλθὼν pertinere existimet. Verum id fieri non potest. Versatur enim poeta in urbe avium (πάλαι παλαι δι' τήνδ' ἐγὼ κλήζω πόλιν vs. 921); qui autem ex una urbe in aliam transmigrat, non potest eam quo profecturus est simplici πόλει nomine significare. Itaque assentiuntur viri docti scholiastae, εἰς τὴν πόλιν ad ποιήσω trahendum esse. Atqui hoc si statuimus, ἐλθὼν intellegi plane nequit, ac praeterea in hac ipsa molestissima ambiguitate nemo non haerebit. Quae cum ita sint, etiam Meinekii coniectura καὶ τὴν πόλιν γ' ἐλθὼν ποιήσω τοιαδί reicienda est. Quod vero Kockius tentavit καὶ τὴν πόλιν ἀπελθὼν ποιήσω τοιαδί iam eam ob causam periculosius est quia pro simplici duplicem traditae scripturae mutationem continet¹⁾; certius autem quo Kockii opinio refutatur argumentum id est quod talis versus qualem Kockius conformavit a numerorum Aristophaneorum elegantia alienus esse videtur: cf. Enger Rhein. Mus. n. F. XIX p. 136.

Removentur omnes hae difficultates, si non in ταδί sed in ἐλθὼν vitium situm esse statuimus. Notum est, saepius in Aristophanis libris antiquae scripturae lacunas temerariis commentis esse expletas²⁾. Nonnunquam autem veteres interpolatores hac opera ita functi esse videntur ut, quo facilius sibi redderent emendandi negotium, vocabulis uterentur a poeta aut ante locum corruptum aut postea usurpatis. Supplementa huius vel similis generis, quae in Avium fabula reperiuntur, hic apponam³⁾.

vs. 13 sqq. ἦ δεινὰ νὼ δέδρακεν οὐκ τῶν ὀρνέων
ὁ πινακοπώλης Φιλοκράτης μελαγχολῶν,
ὃς τῶδ' ἔφασκε νῶν φράσειν τὸν Τηρέα,
τὸν ἔποφ' ὃς ὄρνις ἐγένετ' ἔκ τῶν ὀρνέων.

102 Τηρεὺς γὰρ εἶ σύ; πότερον ὄρνις ἢ ἰταῖος;
(cf. 269 νῆ Δι' ὄρνις δῆτα τίς ποτ' ἐστίν; οὐ δήπου ταῖς;)

164 sqq. ὅ τι πίθησκε; πρῶτα μὲν
μὴ περὶ πέτεσθε πανταχῇ κεχηρότεα.
ὥς τοῦτ' ἄτιμον τοῦργον ἐστίν. αὐτίκα
ἐκεῖ παρ' ἡμῶν ἰτοὺς πετόμενους ἦν ἔρη
τίς ἰτόν τις οὔτος; ὁ Τελέας ἐρεῖ ταδί.
ἄνθρωπος ὄρνις ἀστάχμητος πετόμενος,
ἀτέκμαρτος, οὐδὲν οὐδέποτ' ἐν ταῦτῳ μένων.

1) Nititur quidem Kockius scholiastae verbis ἀπελθὼν ποιήσω τὰ ποιήματα εἰς τὴν πόλιν. Sed in emendandis poetae verbis scholiorum auctoritas fere nulla est (excepta quae uno tantum codice nobis servata est Thesmophoriazusarum fabula), neque omnino ex illis verbis concludi potest, ἀπελθὼν a scholiasta esse lectum; cf. v. gr. schol. ad vs. 156 ἐς τὴν τριβήν; ἀντι τοῦ „εἰς τὴν διατριβήν.“ schol. Thuc. I 26, 4 ἀλλὰ στρατεύουσιν ἐπ' αὐτούς; καὶ ἐκστρατεύουσι κατ' αὐτῶν.

2) Cf. schol. Vesp. 1272 schol. Av. 1343. Dindorf Arist. com. tom. III p. VI sq. ad Pac. 390. ad Av. 333. Meineke Vindic. Arist. p. 113.

3) Concedo tamen, non ubique diiudicari posse, utrum interpolatione an librariorum negligentia ortae sint eius modi corruptelae.

- 1037 sqq. *Ψ.* ψηφισματοπώλης εἰμὶ καὶ νήμους νέους
 ἦκω παρ' ὑμῶν δεῦρο πωλήσων. *Π.* τὸ τί;
Ψ. χρῆσθαι Νεφελοκοκκυγῶς τοῖς αὐτοῖς μέτροισι καὶ σταθμοῖσι καὶ
 ἄψηφίσμασι κατὰ πέρ' Ὀλοφύξιοι.
 1342 sqq. οὐκ ἔστιν οὐδὲν τοῦ πέτεσθαι γλυκύτερον·
 ἐρῶ δ' ἔρωγε τῶν ἐν ὄρνισιν νόμων.
 ὀρνιθομανῶ γὰρ καὶ ἄπείτομαι καὶ βούλομαι
 οἰκεῖν μετ' ὑμῶν καπιθυμῶ τῶν νόμων.
 1439 sqq. οὐκ ἀκήκοας
 ὅταν λέγωσιν οἱ πατέρες ἐκίστοτε
 τοῖς ἡμεῖς κίοις ἐν τοῖσι κουρείοις ταδί;
 δεινῶς γέ μου τὸ μειράκιον Διτρεφίης
 λέγων ἀνεπτέρωκεν ὥστ' ἱπιπλάτεϊν.
 1556 sqq. ἔνθα καὶ Πείσανδρος ἦλθε
 δεόμενος ψυχὴν ἰδεῖν ἢ
 ζῶντ' ἐκεῖνον προὔλιπε,
 σφάγι' ἔχων καμήλου ἀ-
 μινόν τιν', ἧς λαιμοῦς τεμνὼν ὥσ-
 περ ποτ' οὐδυσσεὺς ἄπ' ἡλθε,
 κατ' ἀνῆλθε' αὐτῷ κάτωθεν
 πρὸς τὸ λαῖγμα τῆς καμήλου
 Χαιρεφῶν ἡ νυκτερίς.

Idem igitur quod his locis etiam nostro accidisse puto. Ad explendam lacunam quae fuit in versu

κάς τὴν πόλιν ποιήσω ταδί

inserta sunt propter versum praecedentem ἀπελθε τουτονὶ λαβών· ἀπέρχομαι verba γε ἐλθὼν nec numerorum nec sententiae habita ratione. Corruptelae vestigium obscurasset interpolator, si κάς τὴν πόλιν παραχρῆμα ποιήσω ταδί scripsisset. Nos ut nunc res est de genuina versus forma ne coniecturam quidem facere probabiliter possumus, quia ad supplendam sententiam nihil quod necessarium sit desideratur.


IV.

Impius adulescens, qui ut patrem impunè violare sibi liceat in avium civitatem recipi vult, ubi indignabundus haec exclamavit

ἀπέλαυσα τ' ἄρα νῆ Δί' ἐλθὼν ἐνθαδί,
 εἶπερ γέ μοι καὶ τὸν πατέρα βουκλήσειν

Pithetaerus ita respondet (vs. 1360 sqq.):

οὐδέιν γ'. ἐπειδήπερ γὰρ ἦλθες ὦ μέλε
 εὔηνους, περρώσω σ' ὥσπερ ὄρνιν ὀρφανόν.



σοὶ δ' ὦ νεανίσκ' οὐ κακῶς ὑποθήσομαι,
ἀλλ' οἰάπερ αὐτὸς ἔμαθον ὅτε παῖς ἦ. σὺ γάρ
τὸν μὲν πατέρα μὴ τύπτε κτλ.

Quorum versuum tertius et quartus (1362 sq.) duas ob causas in vitii suspicionem vocati sunt. Kockius enim in eo offendit, quod σοὶ δὲ tanta cum vi in versus initio sit positum; praeterea Curtius Bernhardi in accuratissima quam de incisionibus anapaesti comici composuit dissertatione numeros versus 1363 vitiosos esse contendit, quia anapaestus ita comparatus ut vox hyperdisyllaba terminetur in altera thesis syllaba, in secundo et quarto pede hac tantum condicione admittatur, si voces anapaestum formantes arte inter se cohaereant et semiquinaria caesura satis insignis versum distinguat¹⁾ Itaque Kockius aut ante vs. 1362 unum versum excidisse aut καὶ σοὶ pro σοὶ τ' ὦ reponendum esse coniecit, ac iam antea eadem ut videtur causa permotus Bergkii σοὶ τ' ὦ tentaverat; Bernhardius autem ὥσπερ pro οἰάπερ restitui iubet. Ego vero etsi argumentis haud levibus librorum scripturam ab utroque suspectatam esse concedo, tamen ob causam longe graviolem genuinam eam esse persuasum habeo. Etenim Pithetaerus ut iustitiae pietatisque leges adolescentulo in memoriam revocet, verbis utitur non suis sed Theognidis (vs. 27 sq.), quae ille sicut omnes pueri honestis familiis oriundi a ludi magistro olim didicerat²⁾. Ecce poetae Megarensis verba:

σοὶ δ' ἐγὼ εὖ φρονέων ὑποθήσομαι οἰάπερ αὐτός,
Κίρν', ἀπὸ τῶν ἀγαθῶν παῖς ἔτ' ἐὼν ἔμαθον.

Hac ratione satis excusari atque explicari et verborum collocationem minus commodam et insolitam anapaesti incisionem, non est quod accuratius exponam.

1) Acta soc. philol. Lips. I p. 272.

2) Cf. Bernhardt Grundriss der griech. Litt. II 1 p. 531.